

Besta etas mundi

Anno mundi. 6542.

Anno xpi. 1345.

Clemens sextus patria lemonicensis. petrus antea vocatus. primo monachus deinde archiepiscopus rothomagensis. Postremo nonis maii millesimo tricentesimo quadragesimo secundo pontifex auenione creatus est. Fuit autem vir multe doctrine compositorque eloquentie. liberalis in omnes et phumanus. qui primo anno pontificatus sui octo presbiteros cardinales creat. diaconos duos. scilicet fratrem suum monachum tullensis professionis et guilielmum ex sorore nepotem. Verum cum intelligeret totam italiam in tumultu esse solos lucinum et iohannem vicecomites vicarios insubrie confirmavit. De reliquis italie principibus nulla mentione habita. existimabat enim solos vicecomites ludouico bauaro resistere posse in italia (ut ipse predicabat) descensuro. atque etiam tridentum usque puenit. qui vicissim ut par pari pontifici redderet in ditione ecclesiastici multos vicarios imperiali auctoritate confirmavit. Que quidem versucia malis (ut aiunt) aurbus in pontificem relata successores in hanc diem suos multis ac pene perpetuis incommodis turbinibusque agitauit. Iohannes enim de vico urbis rome prefectus nonnulla in viterbiensium finibus paterna possidens hereditate vicarius in viterbio impius est factus. Eo denique titulo galeotus malestaz et fratres arimini in romadiola piscari fanique in marchia anconitana. Antonius ferretanus vrbini diolus et ita in alijs plerisque locis dominos confirmavit. Clemens autem pontifex quosdam cardinales ex auinione romani misit qui statum urbis componentes petrum saracolumensem et iohannem vesi filium senatores declararunt. et nicolaus rencij publicus scriba qui statum urbis in suam potestatem redegerat. deinde septimo mense mutata veste ad carolum in bohemiā proficiscitur. quem clemens pontifex ob multarum linguarum periciam in ludouici contumeliam ab electoribus in cesares designari fecerat ab eo auinionem missus pontifici dono datur. Postremo clemens in omnibus boni pastoris officio functus Anno domini. 1352. pontificatus sui anno decimo. mense septimo die vigesimo octauo mortuus auenione sepelitur. adhibita honesta funeris pompa.

Iubileus annus petentibus romanis ut quemadmodum bonifacius octauus olim concesserat ut centesimo quoque anno (quod seculum antiqui appellabant unde ludii seculares appellati sunt) plenam peccatorum omnium remissionem visitantibus limina apostolorum petri et pauli quinquagesimo quoque anno id facere libenter annuit. Cum dicerent etatem hominum iubileum illud centum annorum attingere non posse. Clemens igitur sextus ad quinquenarium numerum reduxit. qui est proprie iubilei numerus. Cum autem annus aduenerat iubileus tantam rome presuram potius quam frequentiam populorum petrarcha qui interfuit fuisse refert ut nihil obfuisse pestem appareat. sed ex omni europa christianum professa nomen illa profuebat diebus singulis multitudo.

Eodemque anno mediolani pestem solito maiori continuasse petrarcha asserit. nam pestis adeo triennio totam italiam peruagata est ut vix decimus quisque ex millesimo homine supersuerit. nec id quidem mirum cum ob iubileum contagione hominum et multitudine undique roma commigratum squalore situ pedore omnia inficeretur. **I**nnocentius sextus papa patria lemonicensis stephanus antea vocatus pontificum civilisque iuris vir consultissimus. procurator primo. mox episcopus claromontanus. deinde cardinalis. pontifex tandem dum erat salutis annus a quinquagesimo secundus terdeciesque centenus. fuit autem vir integerrime vite magneque constantie et seueritatis. qui ecclesiastica beneficia non nisi probatissimis sacerdotibus tum vita tum doctrina dedit. Post coronationem illico statuit ut omnes prelati omnesque qui beneficia habebant ad ecclesias suas sub anathematis pena proficiscerentur. dicebat enim oues pascuas a proprio pastore non a mercenario custodiri debere. Impensam quoque domesticam que magna erat imminuit. familiam suam ad certum et honestum redigens numerum. virosque probatissimos. Idem ut facerent cardinales acerrimo edicto mandauit. Auditoribus preterea sacri palatii solaria instituit. ne muneribus corrumpi in decernendis litibus ob inopiam possent. Hic in victu parcus est habitus. in sumptu bellico largissimus. dum bello repetit que a tyrannis superioribus temporibus occupata fuerant. Itaque cum curiam purgasset prelati in ea dissidentibus quos ad suas queque ecclesias ire iussit. nihil duxit antiquius quam legatum in italiam mittere. a quo vrbes et puincie iuris ecclesie tyrannis vi deturbatur reciperentur. Legatusque fuit egidius de gente carilla nobili in hispanis sabinoz episcopus cardinalis vir quoque ad vires et potentatum licuit. Traiano Hadriano et theodosio virtute equipandus. quos principes hispanici romane reip. potentissimos pridem saluberrimosque dederat. omnia vere oppida breui recepit que tyranni occupauerant. Huius pontificis suasionem et prudentiam inter genuenses et venetos denique sedus initum est. ac inter pisanos et florentinos pacem composuit tumultuante potissimum ciuitate romana in creandis senatoribus discordiam optime sedauit. externo senatore ad urbem misso. Erat autem maxime intentus abolendo bello quod inter anglos et gallos gerebatur. parare et classem contra hostes christiani nominis constituerat. In tantis vero animi perturbationibus afflictatus innocentius pontificatus sui anno nono mense octauo die sexto moritur et in monasterio diui andree carthusiensium ordinis quod ipse extra auinione propriis impensis extruxerat et dotauerat sepultus est.

Linea summorum pontificum

Clemens sextus



Innocentius sextus

